



## GODIŠNJI IZVJEŠTAJ 2014



# FONDACIJA HASTOR

Obrazovanje - izbor pobjednika!



## SADRŽAJ

- 03** O nama
- 04** Planovi za budućnost
- 05** Proces odabira stipendista
- 07** Rezultati
- 08** Naši inovatori
- 12** Nove ideje
- 14** Projekti Fondacije Hastor
- 19** Događaji

FONDACIJA HASTOR JE NEPROFITNA ORGANIZACIJA KOJA SVOJIM RADOM PODRŽAVA I OSNAŽUJE DJECU I MLADE U NASTOJANJU DA POSTANU SAMOSVJESNI LIDERI U SVOJIM ZAJEDNICAMA. FONDACIJA SE OSLANJA NA **OBRAZOVANJE** KAO SREDSTVO ZA POSTIZANJE CILJEVA, MEĐUTIM FONDACIJA DUGOROČNO UTJEČE NA RJEŠAVANJE PROBLEMA BOSANSKOHERCEGOVAČKOG DRUŠTVA KAO ŠTO SU SIROMAŠTVO I NEZAPOSLENOST.

## ONO ŠTO NAS ČINI DRUGAČIJIM

***Misija naše Fondacije je udruživanje raspoloživih /financijskih i ljudskih resursa kao i njihovo pravednije i efikasnije usmjerenje u razvoj obrazovanja.***

### Volonterizam i razvoj lokalne zajednice

Mladi ljudi u Fondaciji Hastor imaju priliku da svojim uspješnim školovanjem kao i volonterskim radom učestvuju u **razvijanju lokalnih zajednica** i vlastitih potencijala. Studenti stipendisti Fondacije Hastor volontiraju sa mlađim stipendistima u osnovnoj i srednjoj školi, pomažući im u učenju i savladavanju školskih prepreka. Supervizori Fondacije pomažu pri odabiru institucija za volontiranje, tema i problema.

### Saradnja i partnerstva

Fondacija Hastor je prisutna na području **80 općina** i ostvaruje uspješnu saradnju sa preko **130 osnovnih i srednjih škola u čitavoj Bosni i Hercegovini**.

### Spremni za nove izazove

Fondacija Hastor ulaže maksimalne napore kako bi svoje stipendiste, čije se školovanje bliži kraju, pripremila za izazove poslovne sredine i tržišta rada. Iskustvo koje stiču kroz **volonterske aktivnosti**, stipendistima je veoma važno u njihovim budućim poslovnim prilikama.


### Društvena korisnost i zajedništvo

Svakog mjeseca održavaju se sastanci sa studentima, stipendistima Fondacije Hastor, gdje svi imaju priliku razgovarati o ličnim volonterskim iskustvima, eventualnim poteškoćama s kojima se susreću, a često imaju priliku učestvovati u posebno pripremljenim tematskim radionicama koje se organizuju s ciljem rješavanja zajedničkih problema u lokalnim zajednicama.

## Planovi za budućnost

Uspješnim djelovanjem, Fondacija Hastor nastoji proširiti aktivnosti i na druge vidove pomoći mladima, odnosno obrazovnim ustanovama, s područja koja su ekonomski najnerazvijenija u Bosni i Hercegovini. U budućnosti, Fondacija Hastor će nastojati razvijati poduzetnički duh kod mladih s ciljem aktiviranja njihovih kreativnih potencijala i financijskom pomoći motivirati ih na realizaciju ideja i zadatih ciljeva, a sve kako bi mogli doprinijeti pozitivnim promjenama u Bh. društvu.

## PROFIL STIPENDISTA FONDACIJE HASTOR



BROJNOST  
STIPENDISTA  
PO  
GODINAMA

2014./2015. **1249**  
2013./2014. **1199**  
2012./2013. **1158**  
2011./2012. **981**  
2010./2011. **948**  
2009./2010. **922**  
2008./2009. **726**  
2007./2008. **649**  
2006./2007. **304**



## Proces odabira stipendista

Fondacija Hastor tokom cijele godine prima molbe osnovaca i srednjoškolaca. Molbe sadržavaju kontakte aplikanata, kratki opis socio-ekonomske situacije iz koje dolaze aplikanti kao i informacije o postignutom uspjehu u školi. Obrada pristiglih molbi vrši se jednom godišnje u periodu april – maj, nakon čega se aplikantima šalje zahtjev koji trebaju vratiti popunjen skupa sa pratećom dokumentacijom koja može posvjedočiti o iskazanoj ekonomskoj situaciji i ostvarenom školskom uspjehu. Prikupljeni podaci se unose u softver koji automatski kreira rang listu kandidata. Nakon toga tim Fondacije Hastor posjećuje kandidate s najvećim brojem bodova. Nakon izvršene provjere stanja na terenu, stipendije se dodjeljuju određenom broju kandidata u ovisnosti od predviđenog budžeta za datu školsku godinu.

**Studenti** mogu aplicirati za stipendiju isključivo putem otvorenog konkursa. Prijavlivanje na konkurs se vrši isključivo online prijavom bez dostavljanja dokumentacije. Softver automatski kreira rang listu kandidata na osnovu uspjeha na fakultetu i ekonomske situacije u porodici. Kandidati s najvećim brojem bodova su pozvani na intervju sa članovima Komisije za dodjelu stipendija.

# 633

Ukupan broj bivših stipendista  
(osnovci, srednjoškolci, studenti)

# 94


Broj bivših stipendista koji su stekli  
univerzitetsku titulu uz pomoć  
Fondacije Hastor

PERIOD 2013./2014.



---

## BODOVANJE KANDIDATA



# REZULTATI 2013./2014.

Osnovci  Srednjoškolci



5.0 Bolji uspjeh Isti uspjeh Lošiji uspjeh

Srednjoškolci  Osnovci



5.0 Bolji uspjeh Isti uspjeh Lošiji uspjeh



# Humanista 2014. godine

U junu 2014. godine, Općina Vogošća je proglasila Fondaciju Hastor Humanistom godine i tom prilikom predstavnicima Fondacije Hastor je uručena Zlatna plaketa.

## UČENICI GENERACIJE

---

**3** stipendista  
Osnovna  
škola

**7** stipendista  
Srednja  
škola

---

## Naši inovatori

### *Inovatorski uspjesi stipendista Fondacije Hastor*

**Hajrija Pleh**, dugogodišnja stipendistica Fondacije Hastor i učenica Tursko-bosanskog koledža u Sarajevu, na 8. Međunarodnoj olimpijadi inovatora u Gruziji održanoj od 3. do 5. maja 2014. godine u Tbilisiju, osvojila je prvo mjesto.

**Elvin Karkelja**, učenik četvrtog razreda Sarajevskog koledža, do sada je osvojio nekoliko nagrada na internacionalnim takmičenjima. Bronzane medalje osvojio je na Genius olimpijadi (Univerzitet Oswald, New York), internacionalnom takmičenju „Golden Climate“ (Kenija), olimpijadi „Inespo“ koja je održana u Holandiji, 2013. godine.

**Dženita Fazlić** pohađa Tursko-bosanski koledž u Bihaću. S kolegicom je podijelila razmišljanja o načinu iskoristivosti sunčeve energije te su odlučile svoju ideju i realizirati kroz projekat “Imitirajuće biljke”. Napravile su ‘solarno drvo’ gdje su solarne pločice poredane kao listovi na stablu drveta. Na taj način je maksimizirano prikupljanje i korištenje energije, a zauzima i mnogo manje prostora u odnosu na velike solarne panele koje se koriste širom svijeta



**Rasima Tuljковиć** pohađa četvrti razred Srednjoškolskog centra u Srebrenici. Kreirala je blog preko kojeg postavlja video klipove različitih hemijskih eksperimenata koji znatno olakšavaju praćenje nastave njenim školskim kolegama. Posljednjih godina smo svjedoci svakodnevnih zloupotreba korištenja interneta, stoga Rasimina ideja predstavlja brilijantan primjer adekvatnog načina korištenja moderne tehnologije.

### **Mladi istraživači Fondacije**

**Azra Donlagić**, studentica Veterinarskog fakulteta iz Tomislavgrada tokom 2014. godine boravila je u Istanbulu na Ekstra Mural praksi ostvarenoj u saradnji fakulteta veterinarske medicine iz Sarajeva i Istanbula. Azra je ovu izvanrednu priliku iskoristila da nadogradi stečeno znanje na fakultetu i dodatno unaprijedi vještine praktičnim radom u laboratoriji.

*“...Fondacija Hastor se treba doživjeti. Treba se osjetiti preplitanje reda, rada, discipline, odgovornosti, sreće, smijeha, suosjećanja, želje za uspjehom, želje za boljim sutra... Fondacija Hastor moj pokretač, moja životna škola!...”*

**Melina Herceg**, studentica Veterinarskog fakulteta iz Doboja osvojila je prvo mjesto i vrijednu novčanu nagradu na XVI. Međunarodnom naučno - istraživačkom kongresu studenata veterinarske medicine u Istanbulu. Naučni rad koji je pripremila, Melina zajedno sa tri kolegice sa Veterinarskog fakulteta u Sarajevu prošao je završnu selekciju. Svoj rad je prezentirala u Istanbulu od 8. do 10. maja 2014. godine.

*“...Fondacija Hastor mi je vratila vjeru u postojanje dobrih ljudi, nadu u bolje sutra... Pomogla mi je da odrastem, naučim da se nosim sa odgovornošću i suočim sa svim svojim strahovima. Nikada neću prestati biti dio Fondacije Hastor jer je ona u mom srcu. ...”*



# REZULTATI

## Magistranti 2014.

**BAGARIĆ MAJA  
ČOMOR NAIDA  
ĆOSIĆ MIRZA  
ĐONLAGIĆ AZRA  
HERCEG MELINA  
KADRIĆ ELVIR  
KAPO IRMA  
KARIĆ MUJO  
KUZMANOVIĆ GORAN  
MERDIĆ ALEM  
NUKER EMINA  
OBRADOVIĆ CVJETANA  
RIBIĆ AIDA  
ZLATIĆ ARMIN**



## Diplomanti 2014.

**JAKUPOVIĆ DŽENANA  
MAHMUTOVIĆ ADISA**



## Doktoranti 2014.

ADIS ŽILIĆ  
IRMA MARIĆ  
MERIMA ZUKIĆ  
EDIN BUJAK  
NADIRA BERBIĆ  
EMINA SIJAHOVIĆ

**Sanel Delić** (1992) je stipendista Fondacije Hastor od 2008. godine. Osnovnu školu „Branko Ćopić“ je završio u Mrkonjić Gradu kao učenik generacije. Poslije osnovne škole upisuje Srednju tehničku školu „Bugojno“ koju također završava kao učenik generacije. Nakon toga upisuje Internacionalni Burč Univerzitet gdje 2014. godine diplomira kao student generacije na odsjeku za arhitekturu i stiče zvanje Bachelor of Science in Architecture (BSc Arch). Trenutno je na master studiju arhitekture na Burču. U toku studija učestvovao je na raznim projektima, radio studentsku praksu u Sarajevu i Istanbulu te ima jedan objavljen rad na Prvom studentskom simpozijumu na temu „Modernizam u arhitekturi“.





# Nove ideje

## Zajednički rad

### Bolja Fondacija

#### *Okupljanja stipendista na mjesečnim sastancima*

Svaku drugu subotu u mjesecu održavaju se mjesečni sastanci studenata - stipendista Fondacije Hastor, gdje studenti imaju priliku da se bolje upoznaju, učvrste prijateljstva, razmijene iskustva sa volonterskih radionica koje organizuju za mlade stipendiste, predlažu nove ideje i prijedloge za poboljšanje rada. Studenti koji su se najviše istakli volontiranjem na terenu ili administraciji smo redovno i nagrađivali sa vrijednim poklon karticama našeg donatora i prijatelja Fondacije Hastor, kompanije Sparkasse Banke. U cilju poboljšanja rada, pored redovnih tema na zajedničkim sastancima, za studente smo organizovali i radionice gdje su imali priliku slušati različita predavanja a izdvojili bi predavanje NLP trenera, Brune Buljubašića koji je prezentirao temu o funkcionisanju ljudskog mozga te kako studenti sami mogu uticati na produktivnost svoga rada, kako za manje vremena savladati više stvari kao i mnogo drugih savjeta i trikova za rad i stimulaciju mozga.





**obrazovanje  
izbor  
pobjednika!**

# Projekti Fondacije Hastor

## *Donacija školskog namještaja O.Š. "Srednje"*

U februaru 2014. godine, Fondacija Hastor u saradnji sa holandskom organizacijom Stichting Kinderhulp Bosnie, uspješno je okončala projekat donacije školskog namještaja za osnovnu školu „Srednje“ koja se nalazi Srednjem kod Ilijaša. Dva šlepera školskih klupa, stolica, ormara, školskog pribora i igračkaka za najmlađe đake, dopremljeni su iz Holandije u prostorije ove ustanove u kojoj se još uvijek radi na sanaciji ratom devastiranih školskih objekata. Inače, O.Š. „Srednje“ je specifična odgojno-obrazovna ustanova jer se nastava odvija u četiri objekta koji su od centralne škole udaljeni i do 21 km. Škola pokriva školsko područje od 250 km<sup>2</sup>, a 80% učenika dnevno se prevozi na relacijama od 5 do 25 km.

## *Ljetni raspust u Holandiji*

U junu 2014. godine, već osmu godinu zaredom uspješno je realizovan projekat „Ljetni raspust u Holandiji“. Kao i do sada, i ove godine Fondacija Hastor u saradnji sa holandskom organizacijom Stichting Kinderhulp Bosnie, omogućila je da 40 djece iz opština Vogošće, Ilijaša i Olova, iz škola sa područja Semizovca, Srednjeg, Olova i Soluna, u pratnji studentice stipendistice Fondacije Hastor, Naide Čomor i profesorice engleskog jezika Almire Modrić provedu 21. dan smješteni kod holandskih porodica. Djeca su imala mogućnost da se druže sa holandskim vršnjacima i učestvuju u kreativnim radionicama, upoznavajući dio holandske kulture i obilazeći najistaknutije holandske znamenitosti. Njihove redovne aktivnosti su uključivale posjete zološkim vrtovima, zabavnim parkovima, jahanjem konja, vožnjama bicikla, plivanjem i mnogim drugim.



## *Fondacija Hastor na festivalu Brave Kids u organizaciji UNESCO-a*

Šest mladih umjetnika, stipendista Fondacije Hastor, ove godine imalo je priliku učestvovati na festivalu Brave Kids, festivalu koji podržava UNESCO. Misija organizatora ovog festivala jeste pružanje podrške mladim ljudima širom svijeta kroz umjetnička iskustva čime će ih inspirisati da gledaju u smjeru bolje budućnosti za njih i za njihove zajednice. Brave Kids festival također ima za cilj podsticanje međukulturalnog razumijevanja među narednim generacijama spajanjem mladih ljudi iz različitih zemalja kroz rad na zajedničkim projektima. Njihov edukacijski program sastoji se od različitih aktivnosti, a u cilju poboljšanja vještina i



kompetencije djece i odraslih, proširenje vidika, motiviranje na zajedničku saradnju, ojačanje i inspirativnih tema za dijalog.

Festival Brave Kids je trajao 3. sedmice i okupio je 120 djece iz različitih zemalja svijeta. Djeca iz čitavog svijeta su bila smještena u 5. različitih gradova u Poljskoj, pri čemu su stipendisti Fondacije Hastor bili smješteni u gradu Wroclaw. Djeca su svaki dan bili aktivni učesnici umjetničkih radionica iz oblasti pjevanja, plesa, glume i dizajna.

### ***Projekat u saradnji sa općinom Novi Grad Strategija za mlade***



Tim istraživača, stipendista Fondacije Hastor, u maju ove godine je učestvovao u pripremi i sprovedbi strategije za mlade na području opštine Novi Grad, Sarajevo anketirajući mlade građane. Strategija prema mladima općine Novi Grad Sarajevo predstavlja, pored strategije razvoja općine, strateški okvir za implementaciju mjera i aktivnosti za poboljšanje svih segmenata života ove populacije. Strategija je pripremljena na osnovu istraživanja i pregleda dostupnih službenih podataka, te fokus grupa u vezi općinskih prioriteta, te uvida u postojeće vlastite i razvojne mogućnosti u okruženju.



### ***Fond Srcem za BiH Pomoć za područja ugrožena poplavama***

Fondacija Hastor, zajedno sa ASA i PREVENT grupacijom, je usljed poplava koje su se desile u maju ove godine na području Bosne i Hercegovine, osnovala fond Srcem za BiH i postala direktni aktivan akter kao dio sistemske pomoći poplavama ugroženim područjima. Aktivnosti fonda Srcem za BiH se ogledaju kroz tri vrste programa: interventni, stambeni i samoodrživi.







## **Fotogalerija sa ostalih dešavanja**

### **Predstavljanje Fondacije Hastor u okviru sesije "Let's dream"**

U junu 2014. godine organizacija NEPC (Network of Education Policy Centers) pozvala je Fondaciju Hastor da predstavi svoj rad na školi Evropske Unije o inkluzivnom obrazovanju koja se po prvi put održala u BiH. Rad Fondacije Hastor predstavljen je u okviru sesije „Let's dream“!



*NEPC (Network of Education Policy Centers)*



*Mladi poliglotti Fondacije Hastor prvi pozdravili prisutne na sedam svjetskih jezika prilikom svečane ceremonije otvaranja Vijećnice u Sarajevu*



*Stipendisti Fondacije Hastor na projekciji filma Philomena u organizaciji Sarajevo Film Festivala.*



*Naši studenti u Sarajevu su u gostili kolege sa Univerziteta u Grazu*



*Stipendisti Fondacije Hastor u ulozi prevodilaca za naše partnere iz holandske organizacije Kinderhulp Bosnie.*



**obrazovanje  
izbor  
pobjednika!**



## Događaji koje je organizovala Fondacija Hastor

### *“Koordinacijski Forum za pomoć poplavljenim područjima “ u saradnji sa UNDP*

U junu 2014. godine, Fondacija Hastor u saradnji sa UNDP-om organizovala je Koordinacijski forum za pomoć poplavljenim područjima.

Na forumu je bilo prisutno preko 100 učesnika- predstavnika privatnog sektora i Međunarodne zajednice.

## “Kako razvijati kadrove za potrebe prosperitetnih industrija u BiH”

U aprilu 2014. godine smo u saradnji sa projektom Prilika Plus i Posao.ba organizovali panel diskusiju Kako razvijati kadrove za potrebe prosperitetnih industrija u BiH.

### *Konferencija “Šire koristi ulaganja u kulturno nasljeđe” u saradnji s Vijećem Evrope*

U saradnji sa LSE (London School of Economics) Fondacija Hastor je organizovala konferenciju naziva “Šire koristi ulaganja u kulturno nasljeđe”. Na ovoj konferenciji, čiju je organizaciju podržalo Vijeće Evrope, svoje učešće su dali i mnogi eksperti iz EU i regije, eksperti i predavači LSE, Ministarstva kulture, Agencije za zaštitu kulture a svi studenti su mogli slušati i predavanja uglednog profesora sa Univerziteta iz Londona, profesora Williama Bartletta.





Šire koristi ulaganja u kulturno naslijeđe

# WIDER BENEFITS OF INVESTMENTS IN CULTURAL HERITAGE

27.juni 2014 | 9:45 sati | ASA GROUP





# FONDACIJA HASTOR

Obrazovanje - izbor pobjednika!

Bulevar Meše Selimovića 16, Sarajevo  
Tel: +387 33 774 789 | +387 33 774 823  
[www.fondacijahastor.ba](http://www.fondacijahastor.ba)

